



Komunikado di prensa 2018-052

CBCS ta kontinuá kampaña di informashon

Willemstad/Philipsburg – Den kuadro di dianan di fiesta i pa kumpli ku metanan di CBCS pa konsientisá nos komunidad kon pa atendé ku finansas, CBCS den koperashon ku kuerpo polisial i konsulado merikano a tene algun seshon informativo kon pa rekonosé biyetenan falsu.

A base di invitashon i anunsionan den korantnan lokal i tambe retnan sosial interesádonan for di tur sektor a akudí na e seshonan. Den luna benidero seshonan similar lo tuma lugá na Sint Maarten.

Alabes, CBCS a krea un video klep kòrtiku ku ta splika tur e karakteristikanan di outentisidat di e biyetenan. Alabes e klep ta ilustrá ku no ta na apariensia di e persona ku ta paga por asumí ku un biyete ta outéntiko pero solamente a base di e karakteristikanan.

E klep informativo a wòrdu transmití na tur kanal di televishon lokal i tambe ta visibel riba página di *facebook* Centrale Bank van Curacao en Sint Maarten na papiamentu i ingles.

CBCS ta kontentu ku públiko lo ta konsiente di e diferente karakteristikanan di nos biyetenan bankario, sperando ku esaki lo kombatí e sirkulashon di biyetenan falsu.

CBCS ta bolbe advertí komunidad pa ta atento ora di akseptá biyetenan bankario. Si bo tin duda pa loke trata e outentisidat di e biyete nos ta rekomendá pa rechasá esaki.

Kisas innesario, CBCS ta informá ku niun persona ni estableimentu ta permití pa akseptá biyetenan falsu. Ta rekomendá pa alertá polis mas pronto posibel na momentu ku bo ta kere ku bo a wòrdu konfrontá ku un biyete bankario falsu. Pa falsifikashon di sèn òf paga ku sèn falsu konsientemente tin un kastigu di máximo 9 aña.

Willemstad, 24 di desèmber 2018

CENTRALE BANK VAN CURACAO EN SINT MAARTEN